

BASES

A Concellería de Educación convoca o III Concurso de Fotografía Medioambiental Concello do Grove, para escolares, con motivo da celebración do 5 de xuño, Día Mundial do Medio Ambiente.

1º. OBXECTO DO CONCURSO:

Concienciar a poboación grovense sobre as causas, os efectos e as solucións asociadas ao cambio climático e á perda da biodiversidade.

2º. PARTICIPANTES:

A este concurso poderá presentarse todo o alumnado do último ciclo de primaria e do último ciclo de secundaria de todos os centros públicos de ensino do concello do Grove, establecéndose un máximo de dúas fotografías por autor/a participante.

3º. CATEGORÍAS:

5º e 6º de primaria
3º e 4º de secundaria

4º. TEMÁTICA:

As imaxes farán referencia á biodiversidade e outros aspectos relacionados co medio ambiente do municipio:

- Retratos naturais: imaxes que capturen recursos naturais de flora e fauna.
- Boas prácticas medioambientais: que se convertan en chamadas de atención para expresar, con especial sensibilidade, o respecto polo medio ambiente.
- Malas prácticas medio ambientais: imaxes que reflectan este tipo de feito.

5º. REQUISITOS DAS IMAXES:

As fotografías deberán ser inéditas e non ter sido premiadas nin recoñecidas ou seleccionadas noutros certames ou convocatorias similares. Serán excluídas aquelas fotografías que sexan retocadas, *collages*, montaxes ou fotografías pintadas.

Se na fotografía aparecen imaxes de persoas, serán tratadas conforme a Lei orgánica 15/1990 de protección de datos de carácter persoal.

6º. FORMA DE PRESENTACIÓN E ENVÍO DAS FOTOGRAFÍAS:

- ✦ Os traballos presentados serán orixinais e realizados en branco e negro ou en cor, e terán formato de 30x21 cm (DIN A4)
- ✦ As fotos irán montadas sobre cartolina da cor que o autor/a considere, e acompañados dunha copia en soporte dixital nun CD en formato JPG.
- ✦ As imaxes irán acompañadas nun folio anexo dos seguintes datos:
 - Título da fotografía
 - Breve explicación do contido
 - Lugar onde foi feita
 - Nome, apelidos e idade do alumno/a participante
 - Centro de estudos, curso e grupo ao que pertence
 - Teléfonos de contacto
 - Autorización, se fose o caso, da persoa ou persoas que aparezan nas imaxes

7º. AVALIACIÓN DOS TRABALLOS:

Farase segundo as seguintes fases:

- ✦ O alumnado participante entregará os seus traballos aos seus respectivos titores/as
- ✦ Representantes municipais recollerán os traballos.
- ✦ Os traballos serán valorados polo xurado designado, e os criterios de avaliación serán os especificados nos puntos 8 e 9.

8º. CRITERIOS DE VALORACIÓN:

Os criterios de valoración basearanse na:

- Creatividade
- Orixinalidade
- Adecuación ao tema
- Capacidade e claridade de transmitir a mensaxe
- Grao de contribución á sensibilización e concienciación ambiental na poboación escolar

9º. XURADO:

O xurado estará formado, como mínimo, polos seguintes membros: un profesional da fotografía, un representante da Concellería de Educación do Concello do Grove, un representante da Concellería de Medio Ambiente do

Concello do Grove e un funcionario/a da Administración local que actuará en calidade de secretario do xurado. O xurado, cuxas decisións serán inapelables, será dado a coñecer co ditame do premio. Facultarase o xurado para dilucidar sobre todas as cuestións non previstas nestas bases que poidan xurdir durante o desenvolvemento do concurso.

10º. PREMIOS:

Dous premios de 100 euros en cheques regalo para cambiar en calquera dos comercios do Centro Comercial Aberto De Tendas do Grove. Concederase un premio por categoría, un para os niveis de 5º e 6º de primaria e outro para os niveis de 3º e 4º de secundaria. Todas as fotografías formarán parte dunha exposición fotográfica que se realizará na Casa da Cultura do Grove.


11º. PROPIEDAD DAS IMAXES:

As fotografías gañadoras pasarán a ser propiedade do Concello, reservándose este o dereito de seren utilizadas en promocións ou publicacións posteriores, ou no que considere oportuno que estea dentro da temática da convocatoria.

12º. DATAS DE ADMISIÓN DOS TRABALLOS E DATAS DE RESOLUCIÓN DO CONCURSO:

- a. Período de achega dos traballos: do 15 de abril ao 9 de maio de 2013
- b. Datas de valoración do xurado: do 13 ao 15 de maio de 2013
- c. Data de entrega dos premios: 5 de xuño (lugar, por confirmar)

O Grove, abril de 2013



III CONCURSO DE FOTOGRAFÍA MEDIOAMBIENTAL

PARA ALUMNADO de
5º e 6º de PRIMARIA e
3º e 4º de ESO

PRESENTA AS TÚAS FOTOGRAFÍAS
DO 15 DE ABRIL AO 9 DE MAIO DE 2014

ILMO. CONCELLO
O GROVE

